

АССАЛАМ

assalam.ru

НА ДАРГИНСКОМ ЯЗЫКЕ

РУХЛА ВА БАГЪУДИ ТИИТБИРНИЛА ШАЙЧИБСИ ГАЗЕТА

№10(123)октябрь 2009г. / БАЗЛИ ГЪАЧАМ ДАРГАН МЕЗЛИЧИЛ ДУРАБУЛХЪУСИ / шаввал 1430 г. Багъа 15 къуруш

ДИН ВА НУША

Къиямала Бархила лишанти

Аль-Бухарини кибси хядислизиб леб: «Ну идбагли вархънира, Къиямала бархила ишди кџелра тџул къяйдали гъамти сари». Илхџели илини кџелра тџул чедаахъиб. Ихцадра Къиямала бархли гъамси саби. Ил багъандан Аллагъли кадихъибти лишанти лерти сари Къиямала Бархли гъамбикни чебиахъути.

Илди лишанти Аллагъли Сунела уркџеџиличил кадихъибти сари, адапти Къиямала бархиличи хядурбиахъес. Ихди лишантазибад сунес дарсра тџалаббарили, сай вебкџибхџели манпагџят биџси секџал хядурбириси сай духусира, разисира. Ил секџалра хџебирули бунагъунара виркъуси сай разидеш чехџебиуси. Идбагли Къиямала бархила дахъал лишанти дуриб. Нушани биалли ишар халати лишанти дурехџе, чус гџергъи итмадан Къиямала бархли лябкъути.

Имам Магъди

Магъдила уличила Идбаг џиклар: «Ихала у дила уличил цугбиркур, ихала дудешла у дила дудешлайчил цугбиркур». Ихизибадли касалли, Магъдила

чеу саби, сунела мягънара «бархъси гъуйчи вархъаибси» бетарар. Илала гџурра «Джабир» ибси чеура бетарар. Магъди Идбагла жинслизивад вета-рар. Мадинализив алкџан, Маккализиб,



у Мухџаммад бин Гџабдуллагъ бетарули саби. Царал мераначиб леб, Магъдила у Гџахџмад ибси саби. «Магъди» ихала

Гџашурала дуги, сай дакџувџиьниличила буру. Магъдини Байтул Мукъадаслизи

(Иерусалим) гъиджра биру. Илала гџергъи Мадина белхъа.

Магъди-гамса, кеглебси, ургайчибси къаралдила вирар. Илала бягџуси андара, бухъяна чџартџбухъунси къянкъра, духъяна делсунти нудбира, лямџџбикџуси камра, дягџути хџулбира, цџуба цџулбира цаличир ца камси къадарла тџяйдидикибти, балуй шайчибси ляжиличиб акџубси кџантџра лер. Илала дяхџ зубари къяйда ухути детарар, муџџур берхъибси, камла ранг гџярабталайчи мешуси, къаркъала Израгџилла халкълайчи мешуси детарар. Сай 40 дус виубли вирар. Сунечи чегъурли кџел цџуба плащ дирар, тџабигџят Идбаглайчи мешути детарар.

Илини 7 дус

пачадешдиру.

Магъди Идбагла гъуйчи калзан, лерил суннатуни миџџирдиру, лерил бидгџяби (диннизир сагали дакџудиубти) урдирхъу. Илини лебил дунъя бурцу, зул-Къарнайн ва Сулейман идбагли къяйда. Лерил къанчани делхъа, лерил цурми агардиру. >>>

ДУРХЪАТИ ХАЛИФУНИ

Гџаффан Зин-Нурейнла урши дурхъаси Гџусман-асхџаџб (р. гџ.)

(Дурхъати асхџабтачила белкџи даимбирули)

Аллагъла вакилла (Аллагъли дурхъара чевяхџра варабну сай) рухџла шайчиб мекелли гџахџси бяркъ касибти, илис марти асхџабтала уржибти къяянала гъабкъянабазивад ца сайри Гџусман асхџаб.

Абу-Бакрлис ва Гџумарлис гџергъи халифдеш хъардикибтири Гџусманничи.

Гџусман асхџабличила, илала гџямрула бетуц белгибирахъути ца-чумал мисал «Ас-салам» газета бучџантас гъаладирхъула.

Дурхъаси Гџусманни Мадинализи хџижра дураберкџибхџели, илини аргџиб бусурманти шинна шайчирти къяяндешуначи бяхџигули биъниличила. Мадинала лерилра къюобазирти шин зукъити ва къутџкути сарри. Чџанкџили ца иудейла къюулизирцун

шин умути ва держес бизити сарли урдурхъун. Ил иудейли къюула шин дирџули яшав бирулри.

Аллагъла вакил уммаличи дугъаилзули сай: «Алжанализив ил къюулизирти шинничир бизити шинна гџинизла веџ ветаџс чис дигахъу – Румила къюу асес ва лебилра уммат дурусли – цаван шинничил пайдалабирахъес къасли?» Дурусли буралли, ил къюу асибси адам, лебилра цархџилти

бусурмантиван, лебтачилра дурусти цадехџи шуртџрачил илди шинничил пайдалавирес ибси мягънализив. Дурхъаси Гџусманни итмадан къасбариб ил къюу асес. Сецад тџиладлуми дарили хъалли, къюула веџ иудей бицес къабулиркули ахџенри. Ахирра-ахир, дурхъаси Гџусманнис имкан бакџиб ил къюула байхъала асес ва бусурмантира или къюула шинничил пайдалабирахъес: ца бархли >>>

Нумрада:

<p>2 САГАТИ ХАБУРТИ</p> <p>Улкала Цџакъ - динани ургабси цабалгундешлизиб саби</p> 	<p>5 ТџАРИКЪАТ</p> <p>тџарикъат чинад бакџибсил баянбарни</p> 	<p>6 ВАГЪАБИЗМ</p> <p>Вагъабистуни чикъали сабил баян</p> 	<p>8 СУАЛТИ - ЖАВАБТИ</p> 
--	--	---	---

САГАТИ ХАБУРТИ

Улкала Цякъ – динани ургабси цабалгундешлизиб саби

Чечентала республикализиб абхьибси Россияла къадрила исламла университет. Дурхъаси Рабазан баз бехъибхьес гъа-лаб Чечентала Республикала Грозный шагъарлизиб Россияла къадрила исламла университет абхьиб. Савли гъанручI Грозныйла аэропортла цалис гьегъи ца самолетуни кадииб, илаб лебри университет ибхьнила шадлиахъличи баклибти Россияла, Гъамси ва гъарахъси дураулкнала динна ва жамигъатла гъабкъяби.

Чечентала Республикала муфтий Султан-хъажи Мирзоев бекъидешлиб гъахълиб гъунибаиб республикала жавабкарти къуллукъуначиб бузуги адамтира.

Балбуца бехъибхъудлизиб гъахъли Чечентала Республикала цаибил Президент Гъахъад-хъажи Къадировла уличилси мижитла кабукиб. Мижит университетла мякълаб сабри, илав гъахълиб Чачантала Президент Рамзан Къадиров гъуниваиб.

Университет ибхьнила шадлихъ дураб монитор лабад чебиахъу-си Правительствота Председатель Владимир Путинна дугъабизличибад бехъибхъиб: «Хъурматла юлдашун! Россияла исламла университетла 1 сентябрьличиб сунела лехъирхъантас унза гъаргъариб, – буриб Владимир Путинни. Университет тикрархъебиэси гъилмула ва адамдеш адилкъуси центрли бетаэс лайикъбиркур, сунезирра исламла багъудлумала давлачерти гъадатуну цаладирхъуги. Республикала къашмачи ташбизахъес ва общество цабиахъес багъандан бусурмантала духовенствоти илдада чихъти гъайли ва даршудеш балтахънила цакъли халаси пай кабибхъиб. Нушала улкализиб миллионти бусурманти хъербирули саби, ва илдани ихтияр хъисибли Россия чула ватаннизи халбирули саби, илбагъандан нушанира исламла гъадатуну сагали акънилис разидеш балахъулра. Гъачамгъуна ахъенра нуни буриси динани ургабси цабалгундешлизиб ва миллатуну ургабси къабулдешлизиб – нушала улкала къуват,

россияла общества куват, лебтал-ра вегъдеш давла ва къулайдеш чеби-улра или. Ишбархъи, лебил бусурман-ти дурхъаси Рабазан баз сабаайчи хъерли кабибхъилели, илдас дулгулра:



ил баз даршудешла манзилли бета-аб, гъахъти баркъудлума бицлахъаб, гъамти гъеббуцили, агила бегъгачи уркъеули бицлаб, РИУла цаибти студентунас дахъал сархибдешуни дулгулра».

Дураберкнилизиб гъайбухъунтани хъурматличил Республикала Президент

Гъахъад-хъажи Къадиров гъаникахъ-иб, сунела уличилра Чечнялизиб даршудеш кабибхъиб бархъалбуси ва рухълашалси багъуди чеахъбиуб-си. Илкъайда гъайбикъули калун дин бяркънила мягъничибдешличила, суненира общества адаб-хъаяллашалси бяркълизиб шалати ва адуцалачерти къасани адилкъуси.

Чечентала Республикала Президент Рамзан Къадиров гъахълачи саламличил дугъаизур ва илда-зи чечентала халкълиси историяла-шал мягъничебси анцъибукълизиб бутлакъандеш дарни багъандан бар-калла багъахъур. Россияла Исламла

университет Ислам динна багъудлу-мала гъахъимтала гъевдехъли бетарар. Илини Чечентала республикализиб бархъси Исламличибад гъарахъси тер-роризмала идеология хъебирниличи умутбихъахъиб. «Нушала нушани умударес хъаятбиркур нушала къаяни, нушани се-дигара барес гъахънилира

ХЪАХЪ

УРКЪИИ-УРКЪИИЛАРАД
ХЪЕЛА ГЪАМАЛТИРА
ДИРЕН,
АЛЛАГЪЛИЗИ
ТИЛАДИРАВИКЪИЕН!
АЛЛАГЪЛИ
ТИЛАДИБИКЪАНТАНИ
ТИЛАДИБАРИБ-
СИЛИЧИБ ИМЦЪАКЪ
ЛУГУСИ САБИ.

лебил дунъяла душмантани нуша чус гъахъдешлис пайдалахъедарахъес багъандан, хъархъерагарси пачалихъ-лис къаршили, Россиятнушала хъали саби, илбагъандан нушанира Россияла даршудеш, ряхъатдеш балтахъес гъахънитира. Россияла бекъана нушала улкализиб даршудеш ва цабалгундеш дихъес багъандан гъар секъал дирули сари ва гъаргли дин бузахъес ихтияр гъиб.

Республикализиб хъурматла адам-таци бегълара жавабкарси хъанчи хъарбарисире. Илдани чял (пента) къицъариб ва дугъа белчлун.

Гъахълини чула тамашабийни дигъанхъебирулри, мижит Чечентала муфтийла хъанчила мер ва РИУ кадурхуси цахънабик хъербирухъели. Техникалашал дегъдиубти, жагали далкъаурти лекцияби дучлан ва белчлудила хъулрани, давлачебси библиотекани, бамсри ихъан хъулрани бакибти гъахъла шайчибад уркъаиб. Ил гъилмулис къуллукъбируси мер-лав, Равиль Гайнутдин викъули къайда – РФ-ла чиди-дигара гражданин – 17-личивад 35-дусличи бикайчи учлес виар. Исламла гъилмуличил ва гъараб мезличил дарх ишар цархъилти гъилмула къялубира дучлахъу: урус мез (русский язык), гъайла устадеш, социология, политология, философия, англияла мез. Дурабад баклибтас ва ахъри агартас обжежитие декларбиру.

Исламла гъилмулис къуллукъбир-уси сагаси мер нушала улкализиб Исламла хъулчичи дебадичилиси сабаб-ли бетааб, Чечнялизиб рухълашалси бехъибхъуд гъалабхъи арбукъахъес ва Исламла динна къиматчерти, дурхъа-ти секъал тинтдихъес къуллукъличи кабизурсили бетааб.

Къуръанна Конкурс

Къуръан-ил Аллагъли адамтаци бархъибси бегълара дурхъаси жуз саби. Ил жуз адамтас сегъунти-дигара аги-къайдализиб гъибратли уббулхъу-ли саби. Гъай агарли. Адамли сецад багъуди касалра, гъай-гъайра ил багъуди Къуръан балниличил цугбуцес хъейрар. Ишаб Къуръанна битлак умцантациб дебели деклибирар. Илбагъандан Къуръан руркъни цацабехъитас – ил гъамрула беклибиубси бяхъичибли бетарули саби. Илра хъазлиси ахъен. Аллагъличи ва Илала Идбагъличи ﷻ цакамсилра бирхауди леб-тани ил хъакъикъат иргъу ва динна багъуди, гъилму касес багъандан чина-

дигара аркъан, Идбагли ﷻ хъядислизиб буруливан, гъахънибикалли, Китайлизи булан виур.

Хъера, Хайдакъла района Чибяхънила шилизибра Къуръан бал-



нилис багъишлабарисби конкурс дураберклиб. Конкурс дураберкибсире 7 дусличибад 14 дус биубтаци бикай-чи.

Конкурсла бутлакъанчибас ва илаб чедибикитас арцла шабагъатуну, дехъибайчила ва Къуръанни учахъес бурсивирити жузи пешкешдариб.

Конкурсла ахирличиб мавлид бариб. Илдигъунти далдуцуну дурадуркнила пайдаличила буриб шила мижитла имам Жабрагъил Махъаммадовли. Мижитлаб Къуръай бучлахъес ва дехъибала дарахъес бур-сибирули саби Дагъиста исламский институтла студентунани, чунира илаб

практика дурабуркити. Илаб 60-50 дурхъа-рурси бучули саби.

Хайдакъла районна шилизиб илгъуна балбуц дураберкни-дебали мягъничебси анцъибукъ саби, сенехъенну хайдакълантас ил сагаси секъал саби, дин бузахъуги адамтира илаб камли къаршибиркули бирар. Ил конкурсли Чибяхънила шантала уркъибазир шала, диги алкахъун. Илдигъунти конкурсуну гъурра даимдарахъес, ва гъадатлатили детаахъес чус дигъниличила багъахъур. Гъай-гъайра, илдигъунти конкурсунала мурад – Ислам динничи диги адикъни, халкъ динничи битлакни саби.

Иншааллагъ, Чибяхънилашантиилкон-курсличичили ташхъебилзан, илдигъун-ти Исламличила, Къуръанничила багъуд-луми имцъадарнилис хасдарибти конкур-суни ва далдуцуну илдада гъамрулизиб гъурра дахъал дирар.

ДИН ВА НУША

Къиямала БархИла лишанти

Лебил бусурмантас чула давла чарбалта, лебил дунья бархъдешли бирцу. Магъдила замана адамтас чус гъалаб калунтас чисал-ра хлебикибсицад давла биркур. Заклизирад дахъал заб кадиркур, ванзани халаси сабухъ чарбиру.

Аллагъли ﷺ сунес кумеклис 3000 малаик кабалта, чунира Магъдичи къаршитас дирхъу, илдала гъалав Жабрагил малаик вирар, къакъла гелав Микаил малаик вирар. Мазара буцира ца мерличир гъидиклар. Биштлати чичлумачил, гъякърабтачил хъязтабиркъар. Адамли ца мудд (600 гр) убатурхъели 700 мудд (420 кг) кайсу.

Риба, рияъ (чизи-биалра чебаахъес бируси гъямал), зина, держ детихъур. Адамтала гъямурагъеркъадирар, лебил ваити адамти беккили, дунъяличив Идбагла ﷺ жинс дигхейгуси адам кахлевлан. Дунья урехиагар бетарар: хъунул адам сарицун яра цархилти хъунул адамтачил рарх хъялизи рукъяллира, ил ца Аллагълизирад ахенци селизирадалра уруххлеклар.

Имам Магъди вагъес вирути лишанти

Магъдичир дирар – Идбагла ﷺ хлевара, ханжалра, байрахъра, сабира Идбаглиц ﷺ гъергъи чилилра

гъаргхлебарисби я Магъди ваклайчи гъаргхлебируси. Магъдила бекИла чедиб дирихъ бирар, сунезибра: «Иш Аллагъли вархъибси имам Магъди сай, ишис геларад дукъеная!» ибси тлама лебси. Ил тламаличил барх, дирихъла бухнабад Магъдила шайчи чебиахъуси някъ дурабулхъан, адамти иличи таманни бирхаахъес.

Магъдини берубси галгала къяли берубси ванзализи убатурли, ил галгала къяли шинишра бирахъу клапранира бирхъяхъу.

Илизи сай Магъди сайниличи дирхаахъес се-биалра гъяжаибси чебаахъа или хъарбаибхъели, илини заклизисби арцайчибхъа! някъ ахъ бурцу, ит арцан илала някъбази кабирар.

Имам Магъди даклувиубхъели, заклизирад тламадиру: «Я адамти! Аллагъли хушачибад зулму тядибариб, зулмукартира илдала гъуйчибтира агарбарили, хушачив бекИдешли Магъди катур, илала у Гъяхмад ибн Гъябдуллагъ саби, илис геларад дукъеная» или. Ванзали лебил сунела давла дурабуркIу. Ванзали Къягъабала сунези дигъанбарисби хазна дураберкили лебил адамтас буртIу. Ефрат хлеркI тинтIбиубли, илар мургъила шара даклубирар. Рабазан базла цаэсил дугилизиб бархIи бурцу, ил базла ургайчиб бац бурцу. Рабазан

базлизиб кийна бац бурцу. Востокла шайчиб халаси цIала лами кавлан 3 бархIи, цабехIти бикIули саби 7 бархIи. Сириялизиб Хараста бикIуси ши ванзала уди аркъян. Дахъал балагъуни дирар, ванза вьашбулхъан.

Магъди даклувиайчил кадиркути балагъуни

Ас-Суфъянийю бикIуси адам даклувирар. Ил Халид ибн Язид ибн Абу Суфъянна наслулизивад ветаруси сай. Ил халаси къаркъа вегI ветарар, дяхIлизир чахъала (изала) къел дирар, хIулбазиб цIубаси шяв бирар. Ил Дамаскла шайчивад Ябис бикIуси мерличивад ветарар. Илизи муэрлизиб иру: «Айзурли ваткайхъи». Ил айзурли ваткархъур, амма чилра ургхлергу. ГIур илизи илди гъай кинайсра тикрардиру, хIяйнайс иру: «Айзурли, дураухъи хIела хъулрала унзала шайчи хIеризи!» Вашули унзала гъала ветайбхъели илини 7 яра 9 адам чебиу байрахъуначилти. Илдани иру: «Нуша хIела юлдашуни сарра». Ил илдачил варх дураулхъан, илдас гелабад мякъларти шимазибад адамтира батбирхъур.

Суфъянийюла някълар хIябал гIярчамаг дирар, илдачил илини адамтас дирхъу ва адамти бубкIар. Иличила

адамтанира бала. Дамаскла пача ил чеэс дураулхъан, амма илдала халаси байрахъ чебаибхъели, гIелавяхI чаркайрар.

Дамасклизи ил 360 урчала мурдабачил варх ухнаулхъан. Ца базра хIедикили иличи бану Къальбла 30 000 адам цахIнакабиркур.

Сириялизибси ши ванзала уди арбякъни лишанни бетарар Суфъяний даклувиънилис.

Ихини сунела гIяскар Иракълизи бурхъу, Иракъла аз-Завра бикIуси шилизиб илдани 100 000 адам кабуршу. Ил заманализиб востокла шайчибад байрахъра сабира Шуайб ибн СалихIли лебкуси гIяскар лякъян. Илини Куфулизиб ясирлизи буцибти баткайахъу. ГIур Суфъянийли сунела декIарси гIяскар Мадинализи бурхъу. Илди 3 бархIи Мадинализиб секIлума билгIули, зулму бирули, гIур Маккализи аркъян. Байда бикIуси мерличи бетайбхъели, Аллагъли Жабрагил малаиклизи хъарбиру илди гъалак-барахъес, Жабрагил малаикли илдас къяшли бирхъу, гIур Аллагъли илди ванзала уди аркъяхъу. Илдазибадди клел адам кавлан, илди бакIили Суфъянийличи бетатурсилчила хабар буру, ил секIайчив Суфъяний дебали урухви-рар. ГIур Суфъянийли Римла пачаличи Къурайшитунала Константинопольлизи бекшибти адамти тIалаббириули адамти бурхъу. Римла пача-

ХIЯМАС

ДУРХЪАСИ
АЛЛАГЪ ХIУШАЛА
ДАВЛАПИЧИРА
КУЦЛИЧИРА
ХIЕРИКИУСИ АХIЕН,
АЛЛАГЪ ХIУШАЛА
УРКИИЛИЗИРА
ГIЯМАЛТАЧИРА САЙ
ХIЕРИКИУСИ

ни илала тилади бартаахъурли, Къурайшитунала адамти иличи бурхъу, Суфъянийли биалли Дамаскла унзала гъалаб илдала букIри чердирхъу. Суфъяний Дамасклизив мижитла минбарличи кайъибхъели илала къукъубачи ракили хъунул адам карирар. ИлхIели ца бусурман адамли айзурли иру: «ХIушаб халаси децI саби! Бусурмантас детатурли гIергъи гIур капуртаци шурдхъунраяв? Ил секIал асубириуси ахIенгу!» ИлхIели Суфъянийли илала бекI чеббирхъу, ва илис гIелабад бякъунти лебил адамтира кабуршу. Ил замана заклизиад тламадиру: «Я адамти! Аллагъли хушачибад зулмукартира илдас гелабад бякъунтира тядибариб, хушачив бекIдешлира МухIяммадла умматла вегIла гIяхIси катур, хIуша итис геларад Маккализи дукъеная, ит имам Магъди сай, сунела у Гъяхмад ибн Гъябдуллагъ саби!» ГIур ца галгала удив Магъдини Суфъянийю каршу.

УММАТЛА ШАЛА

Нушала мурад – Аллагъ разиварни саби!

Сунела «Назмаби» бикIуси жузлизиб шайх Сягид-апандили лукIули сай: «Шуйхразибад чис-биалра бурба къизбикалли, ил изайчила Идбаг шакирку». Ишар гъай къяббердни агарли башуси шуйхрала силсилаличила сари. Суненира МахIяммад Идбагличибад ﷺ ишбархIиличи бикайчи бухъя-зегъа гIяхIдулхъахъниличила ва иш дунъяличивад даимси дунъяличи хIядурвирнила багъудлуми дихIуси. Ил силсила бухъябарнили ва шайх виахъес цализибад цархIилличи изну бедлугнили гъар гIергъиси устазлис иш дунъяличиб баракат имцабириуси саби.

Гъарли-марси шайхла гъай илала муридунас бекIлидиубтили дирути сари. Марлирагу, талихIчевси сай ил адам, суненира дяхI-дахIли Аллагъла расулла ﷺ букъур чеваибси, илала тлама телевизорла экранничибадцун ахIи бакъибси. Гъай-гъайра, Аллагъличила багъуди, хIятта хIехъси мерличибадра кайсахъусила пасихIси гIякълукардеш сунела гIякълуличил

къабулбириуси адамтира баракат кайсу.

– **ХIурматла шайх Гъябдулжалил-апанди, ХIела муршидуначила ва гIямрула гъуйчила бурили дигахъахIери.**

– Ну мединститутлизив учIуси ва буцибси хъулив хIерируси замана, мякълав дила тухум хIерирули вири, сунечира Хъар Инхолавад ГъябдулхIямид-апанди вашуси. Иличила балули нунира иличи укъес къасбарира. «Сен вакибсири хIу набчи?» – хъарбаиб илини ну чеибхъели. Нуни итхIели бурибси, тяп ишбархIиван гъанбиркур: «Аллагълис гIибадатбирес дигулра, ХIуни бикуси гъуйчивад гIелавад вашули».

Набчила хъарбаили, ва ну тухтур ветарниличила багъурхIели, ил викIар: «Тухтуртани зягIипсила гIямру я духъяндарес хIебирар, я илис кумекбарес хIебирар, эгер Аллагъли илгъуна къадархIебаралли. Гъар секIал Аллагъли делкIунти сари, чис-биалра

арадеш белкIи биалли, хIуша, тухтурти, аравиънилис сабабли детарул-рая». ИтхIели къаршидикибхIели набзи илини хъарбариссири (вирд) 100 «астагъфируллагъ», салават «Ла илагъа илла ллагъ» дучIахъес. Ил дила шазалила тIарикъатлизи керхнила хIядурдеш сабри.

Ца чумал баз дикибхIели ГъябдулхIямид-апандили наб шазалила тIарикъатла лерил задания-би хъардариссири. 1967-ибил дус сабри, ну 25 дус виублири. Илала хIерудилиув ну 7-8 дус калунра. Студентли вирухIейчивадал, гIур Вуз таманбарибхIелира, гIур Буйнакъсклизив ва Къазанищелизив узухIели, муршидла хIерудилиув нуни исламла гIилму ва гIярабла мез руркъули калунра, гIур нуни белчIуди Кудалилизивадси МяхIяммад Рамазановличиб (Аллагъли илалала даражлуми ахъдараб) даимбарра. ХIянчилис гIергъи гъар бархIи дурсрачи вашира. ГIярабла мез даимдари-

ли, тафсирти касира, исламла гIилму дехIдихъира, мутагIяллимла таманси курс ахъира. Дила мугIяллимли имам ал-Гъазалила хIянчурби руркъниличи халаси пикри бяхIчиини, хаслира, илала «Динничила гIилму мицирбарни» («ИхIъя улуму ддин») бикIуси жузличи.

Гъазалила хIянчурби Итхафла баяндарнилизир делчIунра. Къуръанна тафсир лебли къяйда, Гъазалила хIянчурбалара чула баяндарниби лерти сари. Илкъайдали, 1970-ибил дусличибад 1978-личи бикайчи дила белчIуди Рамазановличиб сабри, гIур ну Къаранайла гечиубра ва илаб мадраса таманаира. Илис гIергъи, хаси тяхIярли багъудлуми чеахъдарра. Илди дусмазив ГъябдулхIямид-апанди ахиратла хъули арякъун.

Ца камси замана ну ХIямзат-апандичи вашули калунра. Ил ухъна-каибси адам сайри, зумали зягIипли вири, илинира бахъхIи агарли иш дунья батур. ИлхIели муршид виахъес ихтияр (иджаза) сагаси устад Нечаевкализивадси Меселасул МяхIяммадлизиди бедиб.

Илала хIерудилиуб нуни тIарикъатла гъуни даимбарра ва муракъабала даражаличи ваира. Ипра вахъхIи кахIелун ва иш дунья батур. ИтхIели якъинбиуб иджаза ЧиркIейлизивадси Сягид-апандилизи бедниличила. ► 4

УММАТЛА ШАЛА

34 « Гур тарикъатлизибси дила гъуни илала хлерудилиуб даимбубсири.

Гъанбиркур, нуша бегі гъалар къаршидикибхелі, нуни тухтурла хлянчира бузахъули, муридра виъниличила багъурхелі, илала тамашавиъни. Нуни исламла гилму дяркъниличила багъурхелі, гъатіра тамашавиуб. Коммунистунала замана ил гъарли-марли, тамашавиъси анцібуқыри. Дила санигят хіясиблі Эрпеліла, Къаранайла шимазив участковий больницализив узира. Ил замана дигіянаси агилизив сайри Батлухлизивадси шайх Сагяду-хіяжи, итхелі Буйнакъскла хіериуси ва замана-заманаличив дубуртази арашуси.

Илала тилади хіясиблі нуни дигіянни Эрпеліла шилизив сунела дурхіяла дурхія, медінститут таманаибси Мяхіяммад Хіяжиев (гъанна – «Нурул ислам» газетала редактор) бусурмантала гилмули учіахъули калунра.

1995-ибил дус сабри, ну Эрпелілизив узухелі, ціябдируси замана набчи Чиркелілизібад бакіиб ва ну дила муршидли живирули виъниличила багъахъур. Ну уркулхъунра ва чи-биалра зягипли ургар или давление умцуси гягніахъала булан касира барх ва Чиркелілизи датдихъира. Илав нушачи Сягид-апанди херлири. Нушазира селра хеліли, илини нуша сунела дурхія левси кабинетлизи адаціахъира. Илала лишанбарни хіясиблі нуша дехібайзир ташагъгуд бучіухеліван кадира, ва илхелі илини набзи иджаза лугниличила буриб. Уркулхъундешли нуни чярбирхъули бара калунра. Марлирагу, ил хабаргарси анцібуқыри!

Ну илгъуна жавабкарси хъарбаркъличи хядурли хейъниличила бурес вализурхелі, устазлі дила гъай къантіарахъиб.

Илхелі нуни се барес гягнілил хъарбаира Илини иб: «Хіуни бирусила дурабад, селра барес гягніли ахлен – гъар секіал дигіянали дихлес хіяжатли саби!»

Гур ну чарварили Эрпелілизи укира. Сунела бунагъ-хатла уркадуц, дила хъунул, ну Чиркеліла се багъандан арукибсирил итхелі хъаррикүсири, амма я илизи я цархилтази нуни иличила хебурибсири. Ирць декабрьла 28-личиб бахъал бикърумира кабатурли, Сягид-апандили набзи муршид виахъес амру (ихтияр) лугниличила багъахъур.

– **Цацбахелі адамтас гъанбиркули саби, супидеш (суфизм) адамтазивад вердибдеш, дунъяла гямуру датни, дунъя батурдеш ва ц. сари или. Хіу цазаманализив тухтурлира узули, динна гилмулира учули ва чекайзурли устазла хъарбаркъунира тамандирнилі илдигъунти гъанбикуни урдирхъули сари. Хіебиалли, сегуна-дигара адам цазаманализив гяхіси муридра виубли ва жамигятлисла пайдалис узес асубирули?**

– Адамла бегі гъалабси чеблабархъси гъуйчиб херіези напакъа бучни саби. Белчудила яра чараагарси бекіахъ бучнила ургаб чиди-биалра ца декларбарес гягніли биалли, кізсил декларбарес гягніли саби, сенакхенну гилму киибил мерличиб саби. Адамли гъала-гъала барес хіяжатси – хіялалси, бархъси гъуйчиб сай ва сунела хъалибарг хербарес саби. Ил чебла ахъили

гергъи, имкан лебли биалли, гилмули учесра асубирар, илкъяйда дебали гяхлі биарар илис. Бархъси гъуйчи-вад вашес багъандан адам шайхла хлерудилиув виэс гягніси сай.

Цацбахелтас гъанбиркули саби муридуни декларти адамти саби или, муридлі виэс–ил черикіла, бегіла гяхліти адамтала къисмат саби или. Илгъуна пикрибархъси ахлен. Тарикъат гъар адамлис хіяжатси саби, сенклун гъарил адам убкүли сай, илбагъандан илини сунела уркіи уктемдеш, хамдешгъунти ва ц. нукъсандешуназибад умубирес гягніси саби. Хіядислизиб бурули саби биштаси къякъцад цакамсилра халаверхурдеш (уктемдеш) лерси адам алжанализи ахейціур или. Тарикъатли биалли, уктемдеш ва цархилти вайти къилликъунази-вад умувиахъес бурсивирули сай. Масала, нуша хіясаддешлис къаршили дарсхедургъехеліли, ил къиликъ убъяхъес багъандан, илгъуна къиликъли нушала дарибти лерил гяхліти гямалтас лугуси шабагъат (кери) чербирхъу (бетихъахъу). Илдигъунти вайти къиликъуназибад тарикъатли умувирули сай. Иличи хіяжатси сай гъарил адам, ахъти даражлумачи ваэсра чебси ахлен гъариллис. Тарикъатла мурад илизиб ахлен. Гъарил вагон, сабира поездличи бигъунси, гъалаб биаб яра бегіла гелаб биаб ил, сунела гягніси мерличи хебаили хебуар. Нушала мурад – Аллагъла разидеш саби!

– **Муридла гямурулизиб се саби бегілара мягнічебси?**

– Муридліс бегілара мягнічерти – сунела шайхличи диги саби. Тарикъаткун динна узби рузбала дигили бихлүси саби. Адаббирнила кумекличил ахленси, чилалра мурадуни дартхерар, адаб хебирути ва диги агарти биалли, бегілара убъахіси даражаличи биркур. Идбаг, илала хъалибарг, асхіябти дигахъес гягніси саби. Илди дигниличи нуша тарикъатли леркулра.

– **Сецадла мягнічебсив муридлі устазла хъарбаркъуницун дарес гягніси ахленну, устазла хіурматра бирули, адабличил, уркіи гъаргли гъунивіэсра гягніси виъни?**

– Эгер адам тарикъатлизи керхалли, илини шайхла лерил хъарбаркъуни тамандирес гягніси сай. Устазлі хъардирути лерил секіал гъайагарли дирес чебиркур.

Гямуру делшес гягніти сари илаб дунъяла секіултасра мер биахъесли, амма илдази иштяхліличил атлес асухебарар. Ахиратличила, Аллагъличила хъумуртес асухебарар. Севан биалра, гъанбиркахъес хіяжатси саби дунъя – ил аркъуси (заманала) саби, нушала даимси мер – Ахират саби. Хіебиалли, нушаб даимси дунъяличиб херсилічи лайикъси пикри бяхлічаэс гягнібиркур. Нушала имціасигъуна замана итил дунъялизи аркънилис харжбирехеллі – гъатіра гяхлі биарар!

– **Адамти тарикъатла гъуйчи кабизахъес жибирес гягнідеш лебу?**

Тарикъат се сабил бурес – ил дебали гяхліси баркъуди саби. Амма нушазиб ихтияр лебси ахлен адамти тарикъатлизи битиклес. Шайх Сягид-апандили гъачам бурибсири, сунела гъалавла ГЭСла хянчила юлдаш Мухіяррам, сунечи хіякыли уили сай вирд касес, суненира ил жихейрули уили сай. Юлдаш булан тарикъатлизи

кайзи или живарес хайрихлебарар. Илбагъандан нушани ишкъяйда бурес дирехле: нушани чилра нушачи вакіахъес жирули ахленра, амма вакібсира дугіхейэхле.

– **Леб адамти нуша бунагъуна диркълурла или биклүти, ил багъандан устазличи дукъесра лайикъли ахленра, илала хъали нуша дукъниличил жяргакхебиахъес, хіевкъясли гяхлі биарар, наб ціахбилзули саби ва цархилти сабабти дургуті. Хіуни илдигъунти васвасбиклүтас се гіеббурес вируда?**

– Ге, леб илкъяйда пикрибиклүти. Илди пикруми шайтанны гердурути сари. Шайхла хянчи адамти бархъси гъуйчи кабизахънилизив саби. Бунагъуни гъар адамла дирар, илди лерсила мурад – шайхла кумекличил, илала баракатличиблі варсиэс къайгъибарнилизив саби. Ил дубдубли, багълакайубли, хядурвиубли барес вирар.

– **Муридуни секъяйда вяшбиклес гягнітив, эгер чула цала ца ургар чеблүми лерлі диалли?**

Дила муршид, Мяхіяммад Рамазановли (Аллагъли сунела даража ахъбараб!) бурули вири муридуни дебали камли бирухелла заманаличила, итхелі илди цали ца лебилра балутири. 1953-ибил дуслизив дубуртачивад Буйнакъскла вакіибхелі, илгъуна сурат чебаибсири.

Шагъарлизибти муридуни саби ургаб цали ца балутири, илдала ургаб илцадра халаси диги бири, хіятта дулекіла узби ургабра хебиарар илгъуна. Гъуйчиб цугбикибхелі, илдала хулбукібдешли михъири царгбирули.

Пергъиси замана муридуни бахъбаили саби (Алхіямуллилагъ!), илди ургаб диги хебиалли, нуни чедиб гъанбушибсигъуна, илдачи гъуціли визсалра хіяжатли саби. Или биахъес кумекбиру дагърила дазули: вегі цархилтачив чевяхлі чейэс асухебарар. Илбисра сунела халаберхурдешли убъахбарибсиригу сунела замана. Адамлис сужда барахъес дурасибси Аллагъла хлукмуличи мутігхлебакили, сунечи саб бирхули буриб: «Ну бегіла гяхлісира!» Нушара ил гъуйчирад хедукъес гягнітира, шайтанны чебаахъибси гъуни нушаб балхлебиркур. Урглөбси шали касес чебиркур: ну цархилличив чевяхлі ахленра или пикрииклес чебиркур, цархилла хіурматбирес, ил дигахъес ва адаб бирес хіяжатси саби.

– **Муридуни ургабси, гячихъли буралли, бусурманти ургабси цадеш сецадла мягнічебсив – ва илгъуна гъачамалра бизс биару?**

– Гъайгъайра, итмадан гъар секіал диэс хедирар Адамла акнілизив, бяркълізиб халаси къадри леб. Гъар адам сунечи сай чекайзурли вегіла чевкад узес гягніси сай. Нушани секъяйда къайгъичерли овощуни, ціедеш бекідирулрал, илкъяйда чекадизурли вегіла черкад дузесра гягніси саби. Гяхліти къиликъуначил аклүбти талихлічебти саби, амма лебилра илдигъунабти ахлелкүли къалли. Вегіли вегі ахъси даражаличи икахъес ва вегіла уркіла бухъя-зегъала чевкад узес, чеветаибсили виэс, сабур дакүбирес хіяжатси сай.

– **СМИли сегуна асар бирули бусурман адамла куц-кабиз бетарниличи, Хіела пикри хіясиблі ишбархлі дагъистан-**

ХІЯМІС

АЛЛАГЪЛИС
ГЪАР СЕКІАЙЗИБ
КІАНТИДЕШ
(ГЯХІДЕШ) ДИГУСИ
САЙ

лантани кайсути журналтазиб, газетазиб, передачибазиб баарила къадар Исламличила бурелив?

– СМИла, гъай агарли, ишбархліла гямурулизиб халаси къадри леб. Мисаллис, телевизор касехеллі, ил хъулиб хебиалли гяхліси саби, биубличиб. Иларад адам ахирра ахир заяварести секіал чедиахъули сари. Телевизорла хериклес асубирар чянккли исламла передачаби багъандан, ТВ-Чиркелй каналла передачаби ва илдигъунти цархилти багъандан. Телевидениела вайси асар итмамадан алавси обществоличи чебитиули саби. Чинаб-биалра, хіехъси Парижлаб, сегуна-биалра мода даклубухъалли, илмаданал ил нушала Дагъистайзибра гербурцули саби, жагъилтани чебаибсилізибад гібрат кайсули саби ва илкъяйда чянккүти хъуцірумачилти, клүнби агарли башути ва ц. хъунри даклубухъули саби. Нушала жагъилтани иргъули ахлен Ислам – ил инсаніялис дедибти секіайзибад бегілара чебяхліси биъниличила. Ил бегілара дурхъаси нигімат саби. Нушаб лебтасалра гъала-гъала нуша Аллагъли селис аклахъубтира ибсилічи пикри бяхлічаэс чебиркур. Къуръайзив Ил Сай виклүли къалли: «Нуни адамти ва жиндри Наб гіббадат бирахъес ахленси, ахлекіахъубра». Секъяйда бархъли гіббадат бирусил нушази идбагунани багъахъур. Илдазибад нушани балехле Аллагълис тіягят бирни – ил бегілара гъалабси нушала чебла саби. Лерил цархилти секіал – киибил мерличирти сари ва иличи хъарихъес гягніти сари. СМИла хянчира иллизив саби, цархилван буралли, гіббадат бирахъес жибарнилизив.

– **Хіурматла шайх, ишгъуна гъамадли ахленси замана бусурмантас сегуна гякълү гіеббурес вируда?**

– Гъанна адамлис вархъси гъуйчи ваклес къянбулхъуси замана бакіили саби. Диштлахейчирадал нуша алавси дунъяличила ва илар кадирукүтачила баянта алавкадуцилра, жагъилти биалли илаб кайгүли саби. Илдани балули ахлен заралла я пайдаласи секіал декларбарес. Бархъси гъуни баргес дебали къянбулхъули саби. Эгер адамли иш дунъяличирти гямуру дебали къантіати, жявли кадурхути диъниличила иргъули виалли, ва сегуналра дирхала агара ухънавайчи калниличила, калъалра, сеннира ахиратла хъули–итил дунъялизи укъес гягніси сай. Итил дунъяли даимси саби! Иличила нушази буриб сунела хлүлбачил алжанара, жагъаннабра, итил дунъяра чедаибсини. Ил сай нушала Мухіяммад идбаг.

Нуша лерилра бирусил хебалули пикрилизидиклра: алжана яра жагъаннаб декларбарес гягніли саби. Илдачи хъарихъули гямуруа лушулра. Лебилра даимси дунъяличи аркъян. Итаб селра барсбарес вирхейар.

Ихтилат барибси
Гягиз МИЧИГИШЕВ

ТАРИКЪАТ

Тарикъат чинад бакъибсил баянбарни

«Жавагирул Магъян» биклуси кунглизиб леб: «Чи виаллира бекъибти валибала гъайличибли абаала барили, сунела заманала муршидуназивад чаркай-убли, ил адамличи мяхлрумварнила мугъур кабирхъу, сайра вирар гъалабикибти бекъибти идбагунала шаригъятуначибли абаала барили, сунела заманала идбаглизивадра, ихала шаригъятлизивадра чарви-убсилчи мешули, гурра сунечи купрула мугъур кабирхъу, сенахенну сунела къамлизив шайх – сунела умматлизив идбагъуна сай, шайхличил вягда буцни идбагличил вягда буцнигъуна саби, шайх идбагла мерла кайзни багъандан. Илкъяйда «Римаху хизби ррахимла» 96 ибил бяхлизибра леб.

Абул Хиясан Шшазалини иб: «Иш нушала гилмулизи (тарикъат гилмулизи) кехлерхурли чи виаллира, суненира хебагъурли хала бунагъуначи даимкайубли убклар». (Мунъятул факъир).

Гъатлира Абул Хиясан Шшазалини иб: «Чи виаллира дуньялара ахиратлара чебяхидеш дигуси, ца бархилла яра кел бархилла иш нушала тарикъатлизи керхат» или. (Дурарул макнунат. Анварул къудсийят 121 бях!).

Гъабдул Вагъгаби Шшагъранини иб: «Хуни багъи! Иш заманализиб шайхла макъам муридла хийчи мешули саби. Иш заманализив Жунайдул Багъадини сипатварибсигъуна шайх тлалаварибси адам, батлули (баргес хейруси) секлал тлалаббарибсигъуна сай. Амма муридличил имцали тарикъат балуси шайх чинав варгаллира, илини абаала биру, ил шайхличи керхнира чебк-бирар, сунела шайх агарси адам тарикъатлизи пайдала хейрар». (Анварул къудсийят 178 бях!).

Жунайдул Багъади виклули вири: «Шайх агарли гъабдат барнила гуйчи керхурли чи виаллира, сайра чеввалки цархилтира чеббулкахъу. Шуйхрала хлурмат хебируси чи виаллира, Аллагъли сай лугъ-рала ургавад гъими аснила балагълизи урцу ва иманна нурлизивад мяхлрумвиру». (Анварул Къудсийят 176 бях!).

«Багъжату ссаныйятлизиб» леб: «Шайх агарсила шайх -шайтан бирар. Шайтан шайхли биубли чи виалра, сай купрулизив вирар сунес шайх уцайчи». (45 бях!).

Илкъяйдали лерилла Аллагъла агълула кунгира, Мухлямматла ﷺ умматла беглар дурхъати гъав-санира, къутлбутира, гъалимтира, имамтира биклули саби Аллагъличи ваъниллизивад чарвирути къаркъа вайти сипатуназивад дураухъниличил вархъиу-си устаз хлевцибси адам, Аллагъличира, Аллагъла расулличира гъасили вирар, шайх агарсила шайх шайтан бирар, шайтлай сай сунес (шайтлайс) дигути секлази каркахъу или. Тамашадеш ахлену кунгази се дигаллира белкес вируси сай или, лерилла илди-ра къянадарили устазличил укъес халаурхни. Гъай пакъирти, хъабилла язихъти леб илди адамти, чула язихъдеш къиямализиб саби даклули гъаргбируси. Инкартачи дуньяличирра дурхъу Аллагъли балагъу-ни. Эй узи! Ху лехмайхъуд гъараб мезра дагъур-ли, урхънигъуна гъалимти сарра биклутачи, лезми гъалимтала, уркъи агъули дицибтачи. Авалра маз-гъабла имамтира, имам Нававира, сунес гъалимтала пача или ируси Гиззуддин бину Гъабду-Ссаламра Закариял Ансарира, Ибну Хияжарра ва цархилли халати гъалимтира устазличил хъяжатикиб. Гъаннала гъалимтала гилмура, гилмуличибли гъамал барнира, илди гъанбушиталайчиб халал лебара? Гъаннала адамтира, гъаннала гъалимтира устаз хлевцаллира аркулив Аллагъу тагъялани алжунтази, илдачил Аллагъли декларли вягдабарилливи?!

Хъарахъуд бирар

Устаз уцес чеббируси назму

Абдаъту аввалан бил хъямиди манн халакъа Кулла шайин ма байна самавати валарзи Сунна уншуу салата гъяла сайидил анам Ва гъяла алигъи ва асхъябигъ ва табигъина

Къудратла вегл Аллагъли хъялал адхълеклахъи Анбияунала султлан чевяхъварес ахенси, Лебтасалра иш махлукъат даклухебири Мусни зубрачи расулли вархъес ахли

Гъяхмадла нурла бутла хебикили къалри, Цъябдешлизир кавли лерилла зубри, Тагъала баракат чиналра хебаили къалри, Чъянкъли кавли дунья къар-шин агарли.

Дурхъаси Хъябибла хлурмат агарли къалри, Зубрала ряхъмат хъурабиубли ризкъи хебухъи Шафагъятла мягдан чебяхъиубли хебаилри, Умматлис ряхъматли хасхъедири тавбу.

Расултала сайид хатамли хейубли къалри, Бунагъ-хатла ицути чяхъидики фуйзри Идбаг тарикъат заманалис къалри, Мусни-зубри дихълуту къутлбурти гъанна хебири.

Муридуна буциб гъуни хараббируси къалри, Жавгъаргъуна силсила нушачи сахъеби, Шаригъятла къяйдурти дердили къантдирути къалри, Гъаларла динани нусху дарили хъедири.

Заманализил балли сирбиклуси дин къалри, Дунья панабиайчи ислам динра кахъевли, Халкъла хъякимти къяйда бехлсурбиклуси къалри Ахир Гъиса вакъибхейс Тагъала дин хебурги.

Гъаннала жагъилтала имцаси иттибиягъи Гъадатли саб биубси бидгъяличи бяхъи саби, Бурибсилличи лехъхейхъути чумилла гъякъил леб Чархла хъянчи чебаадли ургид сай вебкили.

Гъялимла у дигули бучлуту чинкълитрани Зелизи миликъ биркур или сабабра бургу, Гилмула тлем хебикиб селра агар жагъилли Гъаруш или варъа клертили барибси пасаддеш.

Гъидаятла умхъни сунезир лерсиван Гъялимла ула вегли битликлули сай халкъ, Секлал балуси инсан цархил агарсиван Гилмула вегл мунирра ургади камхейрар.

Гъанна адамталара гъякълу биркуси мер леб Баибхли баили цалябахъили яшав барни, Гъялимлизивад жагъил деклараварес багъни Илра биур гъунар гъякълу лебсилис.

Гъямалличивли адам вагъни чараагарси саб Урхълизивад бакъибси баахъили биъхебиур, Майа ушкули узусилис багъа бедес чебиркур Хъял багъес чебиркур къимат бедес гъалаб.

Гъатлира тамашадеш адамтала мугъмалдеш Мяхкъамли бурибсила хъякъикат гъархъебиубти Гъатлира ца тамаша агархъели хъезиб шакдеш Се багъандан вебшилри тарикъатлизивад ху.

Гъумла бекъализиб хъулчи барили тлшбатур клалгъа Кагибхлиб барибсила уркъи кабизурли хебирару? Дягъли халаси галга лайбиклу дурабитли, Диалли сунела хъячмигъянжи клантиси мерлар,

Душмай уркъи бурул хазна палакатбарес Урехила дуб чебаили адамла хъял хъарбаили, Хъялла-макру дагъурли хъулкира гъеламкалзан Цакъси сангар чебаили сунечи някъ чебихъес.

ХИЯДИС
ГЪЯХИСИ БАРАХЪЕС
ЧИ ГЪАЙИКИАЛИРА,
ИТИС КЕРИ
БИУР-ГЪЯХИДЕШ
БАРИБСИЛИСГЪУНА

Дуги-хъери барибси гъабдатла кери Лахъзатли заябируси шайтанра лебхъели, Тагъала халипа василат варалли, Илала зараллизивад верцили вирар.

Сунела гъямалличи хъарахъили калес Агара адамлис рухса керхи тарикъатлизи, Тъягъят камил сайра или хъед гъанбиркадди, Дунья-ахиратлизир гъяйибти черкадирур.

Лутли агарси члап бицлес кайзур мискин Устар агар гъябдличил мешууцес чебирку, Къуръай учни, дехлибала дирни дурхъаси биалра, Устарла диги нушагъунтас гъяхил саби.

Гъяхси гъямал бугуси вайдешуни дахъал сари, Устаргани агарли илди гъелум чархъейру, Халати бунагъунала лугли имцали лебси Гилму гъямал агарсини илди датес хейрар.

Ишди излумас тухтур тлалабхъерили ваталли, Тавбуличир вяшдиклес ахъри сен-сен биклур? Хъябибла шапагъят нушаб дигули диахъелли, Буртлуси муршидличил ху шакилес чебирку.

Бегларла халал гъузру адамти, гъапулси, Хъеделчи бетурти гъалимтала хабар, Гурра цархил вайдеш тарикъатла къукъяла – Тагъала гъуйчибад халкъ башахъес хебалтуси.

Шаргъ таманхебиалли, тарикъат хебиралли, Тагъала нуранала нур адамлис хебирки, Бунагъ кабикиб адам устарличил хешалри, Валибала макъам убяхъикабили бири.

Тухтурла дармай изайс дарман дируси, Устарла зикруми бунагъуни ицуси, Вайси гъямал батурли тавбуличил левкуси, Халаси устардеш муршидунала бирар.

Мухлила гъяйибли «ил бати» или балтахъуси, Аллагъла гъуйчи ху гъамадли витликлуси, Чархла хъялличил ляхъл-къаламличил херъили, Къадарличил балбикиб тарбият хъед бируси.

Дунья-ахиратла хазина бикалли, Къалабаики юлдаш, тагъала гъуни буцес, Гъава-нафсла амру ясирдуцес дигалли, Силсила тлалаббара, тагъализи абцибси.

Гурра пашман ви, калам бариша Уркъила вас-васдеш сабаб битлакнила хъуллис, Тарикъатличил хъела диги чедибухънилис Багъана бетааб иш пакъирла назму.

Загъир-батлин таманси тарикъатла устар Урхъула лутлилаб аклуб жавгъаргъуна сайри Сунела уркъилис чебаибси дигъялни батурли Селра хебалусин халкъ ургав вашуси.

Михъир гилмули бицибси уркъи нурли бицибси, Аллагъла затичи панакайрули биубси, Уркъилабси балуси дигъялати загъирли, Зубрала малайкунала тасбихъуни иргъуси

Алжан жагъаннаб чедиуси бухънабси хъял балуси, Хъирахълив тагъаличил мажлислизив вируси, Замана мер агарли дягъван хъярхъли вашуси, Беккиб-мициртала деклардеш агарси.

ВАГЪАБИЗМ



Къурамяхъаммад-хъяжи
РАМАЗАНОВ

Муридунани бируси зикру, салават асухлебирниличила гъайбиклули саби вагъабистуни. Гъаман Аллагъ гъануршнра хайрила сабни бурули ахлен, иличибли адамти гъякълулизибад булхъули саби или. Хъябрачи зиярат барес дураухъни сеналра хъямрализи халбиру. Автадуни, будалауни ва ихдигъунти цархилти дурхъати Аллагъла валиби биэс бирнира къабулхлебиру. Балга, дугъа бирухъели някъби ахъдурцира хлебалта. Акбар белчи гьегъи бучлуси салават хъямрализи халбиру. Къяшмала хъарличи кабаибси шалбар хлебалта. Дехлиба гьегъити азкарти ахъли дучлахъес хледалта. Идбагъ дигахънира чебси ахлен или биклар, «Идбагъ дигахъни» биклуси гъайра Идбаглис гъелавад вякъни, сунени хъарбарибси барни саби или биклар. Гурра илди биклар, адам ца мерличи ташизурли 3-йна тлаакъ буралли, магъар делхъути ахлен. Урегъсил фарз бетарули саби или жумягъла дехлибайс гьегъи хъерила дехлибала дирахъес хледалта. Бараатла дуги, Шягъбан базла ургайчив цалавиркни бидгъа (барес асухлебирусилизи) халбиру. Саби камли биъниличибли бархъси гъуйчиб сабни кабилзахъу, гурилти лебил бусурманти чеббалкниличичи кабилзан. Тарикъатли дин гъелабхъи лебкули саби или биклар. Имам аль-Гъазалила кунгачиб дукарбирхъур. Идбагла асхъабти масхаралис дурибти ца чумал гъай багъандан куфрулизи бикибти саби или биклар. «Мигъражличичи» Идбагъ ахъуцибхъели Идбагли Аллагъ чеибси ахлен или

Вагъабистуни чихъали сабил баян

биклар. Идбагла бегтира жагъаннабла цъализиб саби или биклар. Чула пикрумачира чули дирутачира къаршити лерил Идбагла хъядисуни зягиптази халдарили къабулхледиру. Гъябдулкъадир Гилани, имам аль-Гъазали, Рабигъятул Гадавиат, имам Шягърани, Бусири, Мухъяммад аль-Джазули, Джалалудин Руми ибтигъунти дурхъати Аллагъла валибала гъайлизир куфрула гъай дургулира или биклар. (Джамия Зину «Суфият» буклуси жузлизичи хъердизирая).

Вагъабистуни чинаб дакълубиаллира, илар илдани чула бидгъаби, фитна тинтидирули сари, адамти хъукуматличичи къаршили бургъахъули саби, иличибли пачалихъли кадихъибти закони делхъули. Вагъабистуни багъандан адамтани Ислам бегъла вайси, члумаси, экстремизмала дин къяйда саби чебиуси. Чула бидгъабачи, фитнабачира адамти битиклули, Къуръайчиблира хъядисличибра Ислам умубирутира или кабилзули саби. Исламла уличиблира, «джигъад» ибси гъайличиблира дигъанбиркули илдани Аллагъла дин бухнабад беъхъес бузули ва доллартас бирцули саби. Нушани дурибтала дураад гурра дахъал вагъабистуни (агълу суннат вал жамагъятличибад) бархъти бусурмантацибад декларабирути лишанти лер. Илди имца-имцали дагъес дигусилис Къурамяхъаммад-хъяжи Рамазановла «Заблуждение ваххабизма в шариатских вопросах» биклуси жузлизир лер.

Хъела дъгъват

Ца заманализиб Идбагличи Шамлизибад, Йеменнизибад, Недждализибад адамти баклиб.

Илдани Идбаглизи чула ванзурби баракатла диахъес балга барахъес тиладибариб. Идбагли 3-йна иб: «Я Аллагъ! Хъуни баракатла детахъа Шамлара Йеменнара шагъурти». Илхъели Идбаглизи хъарба-иб: «Я Аллагъла Расул! Недждлайс се бирусив?» Идбагли жаваб чарбатур: «Недждла шайчибад шайтла мукеки лякъуси саби» или. Идбагла их хъядис баянбирули, гъялимти (мухъяддисуни) биклули саби, «шайтла мукеки» ибси гъайличил Исламлизиб дакълубируси экстремизмала, декларабикибти адамтала фиркъа, чунира «Вагъабизм» биклуси у кайсути, ибси мягъна саби.

Се саби вагъабизм? Чихъали саби вагъабистуни? Делчунти – гъялимтани илдас «ад-дагъавату ддамавия» ибси у бедлугули саби, сунела мягънара «хъела дъгъват» ибси саби. Илдас илгъуна у беднилис сабабли детаур историялашалти фактуни, чунира вагъабистунала дургъабачи цлакъси хъул чебиахъути. Гъар камси секлал кабурушуту адамтацира, картлуту хъиличира шурдулхъути. Вагъабистунала лерил гъямрула хабар – секъяйдларла ташхъедилзути дургъабизиб саби. Илдала бекл Мухъяммад бин Гъябдул-вагъабли 100 дусличичи гъамли гъямру дерклиб, сунела фитна гъяхил тинтибарес даэсти. Сай вебклибси дусла лугъира хъумхъертесигъуна саби. Сенахъенну ил лугъила гъарил цифрала хъурпри «абджедский» алфавитличил баяндаралли – «вайсила беклала замана баклиб», ибти гъай делчлес вирар.

Мухъяммад ибн Гъябдул-вагъабличичи мешути адамти исламлизиб илис гъалабра бири. Амма целисалра

ХЪЯМАС
ИМЦАЛИ АДАМТИ
АЛЖАНИЛИЗИ
АРКЪУТИ САБИ ЧУЛА
АЛЛАГЪЛИЗИБАД
УРЕХИРА, ГЪЯХИСИ
ХЪЯЛ-ТАБИГЪЯТРА
БАГЪАНДАН

ибн Гъябдулвагъабличичи къяйда бидгъа тинтибарес далдикибтира гъамадтира замунти аги.

Султан Селим-хан III ибилла пачадешла дусмазиб биубси Османский халифат ва лебил дунъяла Англияла колониальная политика – илди сари 18-ибил даршдуслизиб вагъабизм тинтибиънилис аслулидиубти.

Ил замана Лондонни Ислам беъхъес цакамти гунзри дарилири. Илдани хъядурбариб 500 агент, чунира Къуръан уркиличиб багъурти, гъярабла, турк-ла, персиялара мезани далути. Амма ил секлал илдала планнизибад камси бутла сабри. Илдас хъяжатлири ислам беъхъесигъуна идеологияра, гъавкъяра, суненира лерил чула пикруми детер-хахъесигъуна. Илди клелра секлал сунези цахънадирхъулири Мухъяммад бин Гъябдулвагъабли.

«Дудешла ибси хъебируси, дудеш-личичи лехъихъейхъуси дурхъя» или биклутури илис сунела заманала адамти. Мухъяммад ибн Гъябдулвагъаб виштлалевай Идбагла шагъар-лизив гилмуни учлусири. Ит заманализивадал ил цархил биштлатачивад декларулхъусири, ибси хъебирниличивра, чилалра бурибси къабулхъебирниличивра. Илини халати гъялимтала адаб, хъурматра хъебирулири.

Илала узинира дудешлира чедиули илизирадли кадиркути вайти баркъуд-лумира, вайли шурбалтуси Къуръа тафсирра (баян), халкъ иличибад тъя-дибикахъес гъайбиклулири.

Хъарахъуд бирар

Дехлиба шуртлри

Дехлибала гъарил бусурман, балугъла виубси (имцали 14 дус), гъякълучевси адамличичи хъарти сари. 7 дус виубси виштласилизи дехлибала дарахъес хъарбарили ил бурсира-варес чебли бирар бегътачи. 10 дус виубхъели виштласини дехлибала дирули хъейъалли, бегътанира хъарбарили гьегъи, ил вявварес хъяжатбиркур, цакамли бяхъесра асубирар.

Дехлиба шуртлри 5 лерти сари:

1. Дехлиба замана баили биъни багъес.
2. Къиблала шайчи шурухъни.
3. Гъяврат клалбарни.
- Суненицун дирули виаб, адамтала ургав виаб бехъсурдеш агарли.
4. Умули виъни.
- Халалра биштлалра гъуслулизибад умувизэс чебли бирар.
5. Дехлибала дируси мерличиб, я сунела къаркъайчиб, палтарличиб нажас агарли биъни.

Илдазибадличичи ца шартлалра камбиалли, дехлибала детхлерар.

Нушани гъар бархли дирути дехлибала сари. Сарира Къиямала бархли дегъла гъалар хъардиути сари,

илди гъяхил диалли, гур калунти гъямалтас жаваб гъамадли вирар бедес, дехлибала вайтла диалли, гур калунти гъямалтала хъисаб-суал къиянси бетарар. Идбагла хъядислизиб бурули къяйда. Илбагъандан дехлибала жагадарес гъягъили сари дахъал дахъал сунатуни имцадирули, азкарти дучули, Алхъям (аль-Фатихла) аттахъийят жагали, хатлаагарли бучлес чебли бирар. Дехлиба 14 арканра лерти сари, илдазибадличичи цалра аркан бархъбатурли, хъебарили биалли, дехлибала детхлерар.

Дехлиба арканти:

1. Нийят. Сабира уркили баралли биуси саби, мухълини баралли дурхъали бирар.
2. Такбиратул ихрам. Дехлибайзи ухнаулхъуси Аллагу акбар. Такбиратул ихрам уркили бурси нийятличил барх биэс чебли бирар.
3. Ташкайзурли уэс ахъри лебси тлайшкэйзни.

Ташкайзес имкан агара биалли, дехлибала кайъили дарес асубирар. Кайэс имкан агарсилис кайхъи дарес ихтияр леб, амма суннатла

ратибатла дехлибала кайъили дирусилис ташкайзурсилис бедлугусила байхъала ужра (кери) саби бедлугуси. Дехлибала кайхъи дирусилис кайъибсилис бедлугусила байхъала ужра саби бедлугуси.

4. Алхъям (аль-Фатихла) белчичи.

Алхъямлизиб мягъна бехъсурбируси ца хатла баралра дехлибала детхлерар. Илала дурабад, Алхъямлизир деклар-декларти гъай хер, чузиб хатла баралли, мягъна къаршисилличичи барскабируси.

Мягъна барсбиалли, адам куфрулизи викес асубируси, илбагъандан Алхъям жагали, хатлаагарли багъес чебла саби.

5. Рукугъ (Гъяшиэс).

Рукугълизив левалли дебали дурхъали бирар: «Субхъяна Раббиял гъязим ва бихъямдигъи» ибси балга 3-йна белчлалли. Вегълицун дехлибала дирухъели их балга 5-на, 7-на, 11-на бучлалли дурхъали бирар. Рукугълизив «Субхъяналлагъ» ибси гъайла къадар кахъели чариалли, рукугъ бетхлерар.

6. Игътидал (рукугъличивад чариубли гъарвиъни).

7. Сужда.

Дехлибайзив Аллагъличичи бегъла гъамируси мер саби сужда. Илбагъандан сужда бухъанбитлахъи, балга-дугъа дарни дебали дурхъаси саби. «Субхъяна Раббиял агъла ва бихъямдигъи» ибси балга 3-йна белчичичи дурхъаси саби. Вегълицун дехлибала дирухъели их балга 5-йна, 7-на, 11-йна, бучлалли, дурхъаси саби.

8. Клелра суждала ургав кайъни.

9. Тлумаънина (багълавиъни) рукугълизивра, суждаличивра, клелра суждала ургав кайъибхъелира.

10. Бегъла гьегъисичи «Аттахийят».

11. Идбагличи салаватра.

12. Аттахийятлисра, салаватлисра кайъни.

13. Цаэсил салам.

14. Тартиб. (Лерил арканти нушани делкунти тъяхъарличил целис ца гьегъили дарни).

Ихди дехлиба шуртлрира, аркантира гъар бусурман адамти дагъес черти сари. Хъедагъурли калалли, Аллагъла гъалаб жаваб бедесра чебкабирар.

ДУРХЪАТИ ХАЛИФУНИ

1 « иудейти шинни бужахъес, ца бархи – бусурманти.

Камси замана арбякыи гьегъи Гусманни арагъеб къюю асибсири. Ва шинничил пайдалабирахъес лебтасалра ихтияр барибсири.

Аллагъла Вакилли ﷺ Гусманнизи суал бедили сай: «Адамти мурталра шинничил гьеббуцес багъандан, ил къюю илдас пешкешбарес хлейрадив?»

Илхелели, Аллагъла Вакилли ﷺ гьалабихъибси масъала къабулбарили, къюю Гусманни бусурмантас пешкешбарибсири. Илкьайдали, дурхъаси Гусманна урклециличибли ва сахаватдешличибли Мединала бусурманти шинна шайчибси къиянси масъала арзили, шинничил гьеббуцибтири. Бурни хьисибли, сунени дебали дурхъали асибси къююла шин асес ярга баахъес багъандан, Гусман халати адамдешра яхъра дакълудурилу, къююла мякъла цархилгачил варх калзусири. Цархилти баянтани чебиахъули саби, Гусман асхяблала ил баркъуди сабабли бетаурсири ишди удир гъандушибти аятуни дархънилис.

(Ит бархи бирхарутази или бирар): Я, паргъатдеш сархибти рух! Разидешра къабулдешра сархибси хлушала Паччялхичи чардухъеная! Дила лугърала мявалези (къюкьелизи) кадерхая! Дила алжанализи адацирая!» («Аль-Фаджр», 89 (27–30).

Ислам тинтѳибкиниличибли ва Мединализи гечбуибти бусурманти имѳабикѳиниличибли Масжидун-Набавилизир (Идбагла ﷺ мижит) дехлибала дарес дигутас мерани диули ахленри – ила адамти кахлебуруцулри. Илхелели дехлибала дарес башутани, мижит-алав чьтирти кадирхъес бехлибхъиб. Аллагъла Вакил ﷺ ила башутачи дугъаизур: «Нушала мижит ца камсира – газа някъла къадаралра – бягубарибси адам – Алжанализи аркъян». Илхелели дурхъаси Гусманни иб: «Я Аллагъла Вакил! Дила калунси леблра лебдеш хлед къурбанбиаб! Мижит бягубирнирала баркъуди нуни набчи чекайсулра!»

Иличил бархбасахъи гьегъисиси иш аят бархъибсири: «Аллагъла мижит бягубарес халабаахъес вирар Аллагъличи ва Къямалла Бархиличи вирхусилира, салаватуни дучлусилира, закят лугусилира ва ца

Аллагълизирад ахленси, чизивадалра уруххлеклусилира» (ат-Тауба, 9 (18) 24).

Дурхъаси Гяли асхяблис Аллагъла Вакилла ﷺ ахлерси рурси Фатима аз-Загърачи хъайчикайэс дигули ахъибхелели, Идбагли ﷺ Гяличи хъарбарили сай мекъла хъаржанас хляжатдешлис арц багъандан, ярагъ дицахъес.

Дурхъаси Гусман асхяблала базарличир дирцути ярагъ Гялила дьени багъурли сай. Илхелели илди дирцан сунечи гъамиахъубли, илизи суал бедили сай:

– Илди ярагъ сецадлис дирцули?
– 400 дирхем, – жаваб чарбатурли сай илди дирцусини.

Гусманни асили илди ярагъра, илдала че 400 дирхемра Гяличи дархъили сай.

Гяличил къаршивикибхелели, илизи виклули сай:

– Ишди ярагъ дихес лайикъси хлу ахленси цархил чилра левси ахлен. Ил багъандан, авдаршалра дирхемра мекълис харждара, хлура нушачивад чевверхи.

Ил гьибратла баркъудили чебиахъули саби Гусманна мурхъти адаб-хляяла ва урклила сахаватдешла лишанти.

Абу-Бакрли беклдеш дириси манзил Мединализир берк-баржла шайчир циила аги вайбуибсири. Илхелели ризкъила деханачил Дамасклизи дурхъаси Гусманна даршал валри даклили сари. Разибубти адамти ризкъи асес къасли валрумачи бетухъи саби. Илди анкилис ца дирхемла мерлар верхел дедесра хлядурлири. Илдази Гусман виклули сай:

– Ишав хлушаничиб багъа халаси лугуси адам лев, нуни анкѳи илис дирцис.

Илгъуна жавабли бачабархъибти асхябуни-кирамти, бякъи Абу-Бакрличи, Гусманничила гьарзбухъи саби. Гусманна гъайла мягна аргъибси Абу-Бакр виклули сай:

– Хлуша Гусманничила вайтѳа пикримадиклудая! Илклун Аллагъла Вакилла ﷺ гуяв ва Алжанализив илала вархъя сай. Хлушани илала жавабла мягна бархъли хлергъес асубирар...

Гур сяхлябуни-кирамтачил варх Абу-Бакр вякъи, Гусмайзи виклули сай:

– Я Гусман! Асхлябуни-кирамти

хлуни дебали разиагарбикахъилри... Илхелели Гусманни жаваб чарбатурли сай:

– Я Халиф, ишдани наб верхел дирхем гес чейсули саби, дила биалли ризкъи асес дигуси гьатиралра сахаватси лев. Илини цала мерлар 700 дирхем лугули сай. Нушани ризкъи дедлугехле нушаб имѳали багъа лугусилис.

Гур Гусман асхяблала даршалра валриличирти ризкъи, илдачи хлертихъарти Мединала агълулис дутѳиб. Даршалра валрира илдас къурбандариб. Илала баркъудили дебали разивиахъубси Абу-Бакрли Гусманна анда байбариб ва иб:

– Сахлябтани (асхлябтани) аргъес хлебуубли биаллира, хлела гъайлизиб нуни мурхъси мягна аргъира.

Къуръанничи Гяшикъси

Дурхъаси Гусманна жагати хлятѳабиглятлис ва мурхъти адаб-хляялис, ташмишдеш агарли, хълчили бетаурсири Аллагъла Вакилличи ﷺ бархъибси Дурхъаси Къуръан.

Гьарли-марли дурхъаси Гусман Къуръанничи гяшикъси Аллагъла лагъ сайри. Ил виклусири:

– Иш дуньяличир дила урклилизи хлябал секляйчи диги минадиубтири:гушти белкъайчи балхес, илди хляжатти палтарличил гьеббуцес ва Къуръан бучлес.

Дурхъаси Абу-Бакрли халиф ветаурли гьегъи хлурматчебти сахлябтазирад (асхлябтазирад) комиссия аклахъубсири, чулра Къуръанна аятуни, хляфизунани урклиличир далутачил дуруслил ахленал цугдурцути. Гур лерилра аятуни «Мусаф» биклуси ца жузлизе цаладяхъибтири, миѳирли левалхелели Аллагъла Вакилли ﷺ чебаахъибси низамличил – гьабгьегъидешличил. Ислам жура-журала улкназиб тинтѳибубхелели, Гусманни – хлябъэсил халифли – Дурхъаси Къуръан тинтѳибирнила шайчибси хляракатлис беклдеш дирисири. Хляжрала, хлябѳали ибил дуслизир илини халати шагъуртази «мусафунни» дархъиб. Илкьайдали илини Къуръанничила ташмишъалалис ахир

ХЯДИС

БУСУРМАН САЙ ИТ – СУНЕНИ СЕКЪЯЙДАЛИРА БУСУРМАН УЗИС, Я МУХИЛИНИ, Я НЯКЪЛИ ЗАРАП ХИЕБИРУСИ

кабихъиб.

Гьанклизирад чевсаргъибхелели, халати малхлямдешличил ва дигиличил касили, Аллагъла Кунг байбирни Гусманна дурхъаси гьадатли бетаурсири ва ил виклусири: «Аллагъла кунг хлебелчунси цалра бархи я цалра дуги, наб хлейги» (Канз, 1225).

Илкьайдали, илини мурталра някълизи кайснили, дучнили, клел Мусафунни дебали дуркъадиубтири. Гьабдурхляман бин Гусман Ат-Таймини бурисири:

«Гъачам дурхъаси Гусманни дехлибала дарибтири, ца ракагьатлис гьегъи абзур Къуръан белчи».

Аскетизм (зухд) – дуньялизивад къябкердни (ахиратлисцун узни) ва уктемдеш агни

Илдигунтири дурхъати асхлябтала гьамрула дазурбира дузахъути къяйдуртири. Илди рухля шайчиб ахъси даражаличи баибтири ва чус гьелабад башутас даршдусмазир гьундури шаладирули, къибламали бетауртири, бекляхъудила шайчир халати имкантачи хлерхлеили, – илдазирад бахъалгъунтала илдира лертири – цагьадатла яшав бирули хлербирутири ва Аллагъла Вакилличи ﷺ мешутили бизс хляракатлизи ахъибтири.

Дурхъаси Гусман мурталра умути ва дурхъали ахленти чьанклилизирад дарибти палтарличил вегьирисири. Хлерила дехлибайс гьегъи мижитлизиб мурталра чьабарличиб гьанкѳ ихъусири ва илала дурхъаси чархличи дибгьанти гьягъя чеалкутири. Цархилти адамти бизити берклумани букахъули, сунени уксусличилра оливкабала гьявадешличилра гьямал бирусири.

Хлерели мурталра дубкарцули, дугели Аллагълис тьагьят бирули замана бурклуси дурхъаси Гусманни сунела хляжатунас чараагарти шин дугела замана сунени дихусири.

Гъайбиклуси ѳелда

(Ишхелла айту)
Гъай аман дарган дару
Даргдирдахъис дай урклиб
Аман базарла загъру
Бяхис ламартла гъабзни.
Батирай.

Нуни Губденила шиличила чумал айту дакъира. Масала, хабарла Тимур лянкли диркъаличирти шими сунес мутѳигдирухелели, Губден биклуси гьлягъабза унчличив мурдали илис гьуниваили сай:

«Цахлуйзив сукъур – нура,
Ца къяшлизив валкла – хлура,
Наб хлези хъарбаэс дигулра:
Се адамти саррая нуша, се сари нушала мер-мусара давлара
Хлугъуна хабарла аричи ва пача иша вакили, нушачил ургъули, инжитэси?»

Нушазирад касес хлед дигусилра се саби?

Тимур шагъли Губденничи урклецибарили сай. Губдалунтла шира шантира ахлерабариб...

Губдалунт...
Гьаларван ну ца хабарли тамашариахъубра. Ил айту нуни бакъира хабарра агарли, беклил гьангарси адамлизивад. Нуша гьар-урла ва ишхелла замунтачила, бусурман динна аслуласи малхлямдешличила ва илис дяхляэс чедуркъубти къадагъабачила ихтилатдиклулри.

– Иман агарти Губденира баиб. Совет Хлукуматла вегьибеклунили сабти коммунистунани, иш хлушаб гьляхдешлис саби или халкъра биргьякабирули, чус дигул бирулри. Культура ахъбуцес шаласи клалгьюрт бирехле или, минала хлябрала мер чебиклиб. Иларти ѳелдубачи ярга бетаиб.

«ѳелдуби кадуршан» чеввикиб.

Губдалан Таччал. Халаси къякъ ца дублабад бирхъес бехлибхъиб. Урезила халадешли къякъла ар майали балтулри, ил буцибти я някъби, я анда майали далтули ахленри. Хлерикунра берки, Таччалла къякъ вякъяр-пьякъярлизиб даимбирулири. Дячунти гьарли ѳелдуби культурала шалалис хълчилиу кадихъес къулачунарли цаладирхъулри.

Ахирра ца ѳелда калун. Иличира чегиб къякъ. Гъачам, клййна... Хляйнайс ахъибубхелели, цунси ѳелда губдалан лугъатличил дугъабизур: «Эй, дила шан! Хлура нукъяйда нешли варкъибсиригу?! Дудешли айкъурсиригу?! Шантала гьадатуна вяркъурсиригу?! Ахленри?!»

Гъу, бяхъя хлябнайсра!.. Вирадли бяхъя!.. Ну чила ѳелда сабрал пикрихлевхъунри? Миѳир-миѳирли жагъаннаб чекасес дигулри? Язихъдара хлела жан, рух!.. Хлечи Таччалла къякъ хлерли биъни балулри, хлебалулри?!» Хлябнайс къякъ ахъхлебууб, биклар.

Шаладикайчи ил кахси хункарла ѳелдуби кадуршанна някъби пуркъяла рангкдиуб биклар.

Ца ѳелда калунхелели, гьегъила бархи савли жьавли шила аллагъагар активли баягъи къякъла вегь канцеляриялизи живарили сай.

– Сен икѳ ѳелда иккъяйда тлашли балтусири? Нушала вягьдаличила хъумартурлири?

Активла буюр таманбарес къякъла вегь гурра вакили сай. Дурусли гехляцайна бяхъили сай. ѳелдали къякъ харала къякъ сабливан чебатурли ахлен...

Жумягѳ хледикили, губдалан ѳелдуби кадуршан хлялагарикиб. Някъби, къяшми, михъири шинни диѳиб. Клунтѳи, сурс-къякъар деруб.


Верхиб. Бурушлавал гьягьилулри. Гьамти, тухум гьамбиэс хлебирулри. Агъ, ил гьяг!..

Шантала лерилра хляжатханаби цагъакли илизи гечдиубли ахленара или гьанбикеслири...

Илала хлябала мякълабад шалгьебулхъутани гьаннара, урегъали – верхляѳали дуслара гьегъира, къянкъубала тлелуби тлулба къяпдирули сари...

СУАЛТИ — ЖАБАБТИ


Бучланта суралтас жаваб лугули сай ДУМД-ла экспертунала отделе хянчизар **Мухияммад Мухияммадовли**



Дехибала дирухели глемч яра хъехи дакили, илдазирада дакибти шинкладешлуми, дехибала хледехубли секьяйда умударес вирара?

Дехибайзир сецад вираллира вяшатлала датес хяжатли бирар, амма хяжатвикили виалли цалис ца гьегъили хябличир имцахедарили вяшатлала дарес асубирар, хябличир имцахедарили вирули виалли илди умударес, илкьяйда умударес асубирар.

Илди умудирухели вяшатлала хябличир имцадирули диалли, умухедарили даталра секлал хебирар.



Дехибайзир дазала дехубли диьни гьанбикалли се бирусив?

Дехибала тамандирутив? Яра дехибала дехубли сагали дазала дирутив?

Дехибайзи кайзурли гьегъи дазала дехънилич шаквикалли, дехибала тлашкаили сагали дарили дазалара, сагали дехибала дарес хяжатли бирар.



Дугьярти шиннизи ца камти руржути шин дархаили, ванадарибти шинничил дазала дарес асубирусив?

Бархила удир язла тляхьянализир ванадиубти шинничил дазала дарес карагъатли (асухебирули) бирар, амма цархилти умути шин секьяйда ванадараллира зарал хебирар. Дазала дебали дугьярти яра дебали дуцярти шинничилра дарес карагъатли бирар.




Хьунул адамлис мижитла рашес асубирулив?

Мижитла рашес багъандан мурул адамтала гьаларад рашес хяжатбиркуси жагьил рурсилис мижитла рашес хярамли бирар. Гьяму деркибси рухна хьунул адамлис асубирар.




Хябразиб садакья бирухели, цабехитани чус бикибси садакьяла кьацла пай бутнадбарили, чула беклибтала хябрала чеди лайбикли саби. Ил бирниличибли я вебкисилис я лайдиклисилс пайда (кери) лебсив?

Илди лайдиклисилс мицйраг арцанти дахнила дурабад сегьуналра пайда лебси ахлен. Ила лайбиклиси кьац биаб, се биалра цархил биаб, гуштас, илчи хяжаттас беднилизиб бирар пайда вебкисилисра ил бедисилисра.




Дазала агарли «акбар» «кьамат» делчлес асубируу?

Дазала агарли «акбар» «кьамат» дучлес карагъатли (кьадахьарси) бирар.





– Вирд кьабулбирухели мурид чичила пикрииклес гьягниси?

– Вирдла замана мурид хузурлизив виес гьягниси сай, цархилван буралли, Аллагьличила пикрииклес ва илчил барх веги шайх Сайфулла-кьадила гьалав сайли гьанбикахьес маслигьатбируси саби, кьабулбируси вирд шазлийяла биалли. Вирд накъшибандила биалли, вегилис гьанбиркахьес чебиркур шайх Мяхмуд-апандила гьалав тлашира или ва гьяхиси саби мякьлав тлашли сунела устазра левли виьни гьанбиркахьалли.




– Устазли вирд 100-на бирахьес бурибси анцбукьлизиб зикру имцабарес асубируу?

– Устазли хьарбарибси вирд имцабарилли бирес имкан лебсилс ил имцабарахьес устазли ихтияр бедлугули сай.



Хьунул адамлис сарицунхели дехибайс кьамат белчлес хайрибирусив?

Хьунул адамли дехибайс дигянни кьамат белчини дурхъали (суннатли) бирар. Хьунул адамтала ургабра дигянни акбар белчаллира, карагъатли хебирар, амма ахли белчалли хярамли бирар.



Дазала дарибхели някьяш, дяхи душкес асубирусив?

Бугьарси аргьлизив виалли, яра цархил даза шин хяршдарес хяжатси мерличив виалли ахленси, илди хяршхедарили датни дурхъали бирар, хяршдараллира хярамли хебирар.



Вебкисилис бучуси кьулгьу чиди жузлизиб баргес вирару?

Г. Ичаловли цахнабяхьибси «Беклибтас дучлуги балгни» («Молитвы по усопшим») биклуси жузлизир бархьси кьулгьура ва гьурра дахьал беклала черкад делкунти пайдалати секлал даргес вирар.

Рузнама

НОВАБРЬ

дни	Утрений Ас-Субхл.	восх.	Обеден. Аз-Зугьр	После-обеден. Аль-гьаср	Вечерн. Аль-Магьриб	Ночной Аль-гьишаь
1	4.41	6.22	11.33	14.20	16.47	18.41
2	4.42	6.23	11.33	14.19	16.46	18.12
4	4.44	6.26	11.33	14.17	16.44	18.10
6	4.47	6.28	11.33	14.15	16.41	18.07
8	4.49	6.31	11.33	14.13	16.39	18.05
10	4.51	6.33	11.33	14.11	16.37	18.03
12	4.53	6.35	11.33	14.09	16.34	18.00
14	4.55	6.38	11.33	14.07	16.32	17.58
16	4.57	6.41	11.34	14.06	16.31	17.58
18	4.59	6.43	11.34	14.04	16.29	17.57
20	5.01	6.45	11.34	14.03	16.27	17.57
22	5.03	6.48	11.35	14.03	16.26	17.56
24	5.06	6.50	11.36	14.02	16.25	17.55
26	5.08	6.52	11.36	14.00	16.23	17.53
28	5.10	6.54	11.37	13.59	16.22	17.52
30	5.12	6.55	11.37	13.58	16.20	17.52

Учредитель
Благотворительный фонд «Путь».
Газета печатается по согласованию и одобрению Духовного управления мусульман Дагестана

Редакционный совет
Председатель редакционного совета муфтий РД
Ахмад-хаджи АБДУЛАЕВ
заместитель муфтия РД
Мухаммад ДАВУДОВ

Редактор
Асхаб ДЖАРБАЕВ

Канонический редактор
* Мухаммад ДАВУДОВ

Корректор-стилист
Патимат СУЛЕЙМАНОВА

Верстка
Лейла ГУСЕЙНОВА
Ахмед МАГОМЕДОВ

Набор
Гульнара АБДУЛАЕВА

Менеджер
Мухаммад ХИРИЯСУЛАЕВ

Газета зарегистрирована Управлением Федеральной службы по надзору за соблюдением законодательства в сфере массовых коммуникаций и охране культурного наследия по ЮФО (г. Ростов-на-Дону).

Свидетельство о регистрации
П/И № ФС 10-6401 от 15 декабря 2006 г.
Индекс 51390

При перепечатке ссылка обязательна.

Набрано и сверстано на компьютерной базе газеты «Ас-Салам».

Отпечатано в ООО «Дом печати» по адресу: пр-т Акушинского, 20.

Заказ № _____

Сдано в печать 12 октября 2009 г.

Тираж 4300 экз.

Адрес редакции
367015, РД, г. Махачкала,
ул. М. Ярагского, 128.
Тел.: (8722) 61-00-64.

По вопросам подписки и доставки обращаться по телефонам:
по Республике Дагестан — 8-988-699-28-24
по г. Махачкале — (8722) 914-222.

E-mail: assalamweb@gmail.com;
www.assalam.ru